



Ямде лий

ВЛКСМ МАРОБКОМЫН ОРГАНЖЕ
Адрес: Йошкар-Ола, Совет пбрт, „Ямде лий“ редакций.



КОК КЕЧЕ ГЫЧ ШКОЛЛАШТЕ ШЫЖЕ ИСПЫТАНИИ ТҮНГАЛЕШ

Сайын тунемаш тунгалына

Ме Бика шужарем дене коктын 4-ше классыште тунемна. Но шым проверочный испытаний годым руш йылме дене сдатлен ыжна керт. Туге коктынат шыже испытанийлан кодна.

Тиде мемнам намысыш пуртыш. Вет тыршен тунемна ыле гын, мемнамат моло йолташна-шамыч дене пырля шыже испытаний деч посна 5-ше классыш кусарат ыле.

Каникулыш каймекак шыже проверочный испытанийлан ямдылалташ тунгална. Кызыт тетрадыште возымо правило-шамычым лудын пытарена, предложений нерген лончылена. Бика дене коктын диктантым ваш-ваш возыктена, вара проверятлена ыле. 22 июль гыч школышко консультацийш кошташ тунгална, кажне кечын кок час заниматлена. Туныктышо Анна Ивановна мыланна ик гана диктантмат возыктен, мемнан шинчымашнам, испытанийлан ямдылалтынам терген нал. Ме Бика дене коктынат „хорошо“ оценкым налын улына.

Ынде шыже испытаниймат сайын сдатлен кертна, манын ушанена. А у тунемме ийыште первый кече гычак тыршен тунемаш тунгалына.

МАРУСЯ БАСКАЛЬ.

Йошкар-Ола,
4-ше номеран школа.

Нуно испытанийлан ямде улут

Медведевский средний школышто чылаже 46 тунемшым шыже испытанийлан кодымо. Нунын коклаште шукушт физика да руш йылме дене начар отметкым налын улут. Туге гынат, шыже испытанийлан кодымо-шамыч „Ынде садак сдатлен она керт“,—манын шонен огытыл, а шыже испытаний марте кенез каникул жапыште ямдылалтын, начар отметкым пытараш да вес классыш вончаш задакым шынденет. Нуно тыгак шонемашышым шукташ чот тыршат. Шукушт каникулыш лекмекыш вигак ямдылалташ тунгалынат, кажне кечын тунемме материалым повторитленет. Правило-шамычым лудын, упражнялаш тунгалынат. 1 август гыч школышто шыже испытанийлан кодымо йоча-шамычлан консультацийм да пырля повторитлымашым организоватлыме. Тышке кажне кечын йоча-шамыч логынат да испытанийлан ямдылалтыт. Теве 6-шо классыште туныктышо Ма-

рия Ивановна руш йылме дене консультацийм эртарат. Тушто чыла повторитлем пытаренет, кызыт упражнением велыштат. Чыла тунемше-шамычат школышто ыштыме упражнениемат, монгышкы пумо пашамат сайын ыштат. Садалакек вет Родина Нина ден Калинина Анна испытанийлан шукертак ямде улут.

8-ше классыште тунемше Ромелева Катя физика да литература дене шыже испытанийлан кодымо ыле. Тудат сайын ямдылалтын, ынде испытаний кечым велы вуча. 7-ше „А“ классыште тунемше Калинин Иван „Шыже испытанийлан конституций дене отлично ямдылалтынам“, манеш.

Вашке 20 август шуэш. Тиде кечын школышто шыже проверочный испытаний

тунгалеш. Медведево средний школышто тунемше йоча-шамычат кок кече гыч шыже испытанийм сайын сдатлаш да чыланат вес классыш вончаш ямде улут. С. Ч. Йошкар-Олинский район, Медведево ср. школа.



Советский Латвийште

Латвийште чыла гимназий-шамычым средний школа манын вазталтен лудымб. Нине школышто 40 тужем наре йоча тунемаш тунгалеш. Туныктымылан окса ок налат. Ожно тунемашлан тугаш окса уке дене кажне ийын 7 тужем марте йоча тунемашым кудалтен.

Средний школышто ял озанлык дене практически заниматлымаш

Ынде у тунемме ий гыч ялласе неполный средний ден средний школышто ял озанлык дене обязательный практический занятий-шамыч эртаралташ тунгалыт. 5-ше класс гыч тунгалы ботаникым, зоологийым, химийым, физикым преподаватлымаш школа пеленсе мланде участкылаште практический паша дене да образцовый озанлыклашке экскурсий-шамыч дене пырля ышталтыт.

Школлаште юный натуралист, садовод, огородник, ял озанлык механизатор кружок-шамыч ышталтыт. Тиде тендам ял озанлык пашалан сайын туныктен кертеш. Но те общеобразовательный предмет-шамычмат нарушатлыде тунемаш тунгалыда.

Пионер ден школьник-шамычын Всесоюзный военно спортивный соревнованийышт лийын

2 августышто Вешнякиште (Москва лишне) латкок союзный республика-шамычын команддыштын — пионер ден школьник — шамычын Всесоюзный военно-спортивный соревнованийышт тунгалы.

Соревнованийыште первый верым РСФСР-ын командыже налын. Кокымшо верым Казахский республика лектын, тудын деч вара Украинский, Грузинский, Киргизский, Карело-Финский да моло республикысе команда-шамыч улут.

РСФСР командылан СССР Оборона Калык Комиссариатын куснылшо Йошкар знамяжым пумо. Казахский республикын командыже ВЛКСМ Центральный Комитетын

куснылшо Йошкар знамяжым кокомшо таналан налын. Кумышо куснылшо призым Украинский командыжлан пумо. Грузинский йоча командыжлан ший кубокым пузныт.

Луймаш дене сай результатым ончыктышо йоча-шамычым кусенеш да кидеш коштыктымо шагат дене, велосипед, патефон, библиотека дене полеклыме. Георгий Вишневский (Узбекский ССР гыч толын) да Юра Горбачев (Карело-Финский ССР) 50 очком налын кертшаш гыч 50 мак луден налын. Нуным шагат дене полеклыме.

Чылаже соревнованийыш 104 участникше-шамычлан полекым пуздыме.



Латвийсе мландеж национальный вуртем дене, ТАСС Фото-Клише.

Советский футболист-шамыч Болгарийыш миенет

7 августышто Москва-се „Спартак“ футбольный команда самолет дене Болгарийын столицыкыже—София олашке чонештен миен. „Спартак“ — СССР-ын ик эн виный командыже. 1936, 1938 да 1939 ийыште спартаковец-шамыч футбол дене СССР первенство верч модмаште сенен, чемпион лумым налын.

11 августышто София олан эн кугу „Юнак“ стадионыштыжо „Спартак“ команда Болгарийын чемпионжо — „Славия“ дене модын. Тудым 6:1 счет дене сенен. Калык-шамыч „Спартаклан“ чот совым кыренет.

Ончылгече „Спартак“ туштак София олан сборный командыже дене вашлийын. Сборный командыш София оласе эн сайын модшо футболист-шамычым велы погыныт тынат, нуным „Спартак“ 7:1 счет дене сенен. Таче советский футболист-шамыч Москва-ке чонештен толыт.

Вес классыш вончем

Умаште тунемме годым мый геометрий дене заниматлаш ом йорате ыле. Монго пумо пашам шуктен ом мий ыле. Геометрий дене теоремымат доказатлаш, задачымат решатлен да умылтарен мошташ кудеш. А мый тиде предметденезаданий-шамычым „Эрла ыштем“, манын шуко гана коденан. Тиде йонгылыш верчак шоно испытанийыште мый геометрий дене „плохо“ отметкым налым.

Вет мыланем кок кече гыч тиде предмет дене испытанийым уэш кучаш верештем. Но ынде кучен кертшашем нерген мый пентгыдын ушанем, вет тидлан кенез мучко ямдылалтын.

АЛЕША ЧЕРНОВ.
Йошкар-Ола, 7-ше класс,
2-шо номеран школа.



Йошкар-Оласе 9-ше номеран школын 8-ше классыштыже тунемше шамыч—КУР-МАНАЕВСКИЙ АЛЕКСЕЙ (шолаште) ден КОМАРОВ ИВАН физика дене шыже испытанийлан ямдылалтыт. Фото М. ЧУРШУКОВЫН.



Н. Т. ПЕТРУХИН—авиационный генерал-майоржо, чаплаймаше летчик. Тудым ныл орден дене наградилыме.

Фото Р. МАЗЕЛЕВЫН.



Москва—латкуд Советский Социалистический республика-шамыч Союзын столицыже. Снимкыште: Манежный площадь.

Модель ышташ йоратем

Ондак мый ялыште илышым, туштак тунемым. Тунемем годым утларакше самолет нерген да Советский Союзысо летчик-шамыч нерген книга-шамычым лудам ыле. Нунын кокла гыч „Почему летает самолет“—книга мыланем пеш келшыш.

Умаште ме ешге олаш илаш толна. Олаш толмеке детский технический станций пеленсе авиажужокуш во-залтым. Тыге умаште сентябрь тылзыште ДТС пеленсе авиажужокушто пашам ышташ тунгалым.

Первый ыштыме модельем схематический ыле. Тидым ыштымеке авиамоделлизм дене эше чот интересоватлышым да фюзеляжый (кбргашан) планерым ышташ решитлышым. Ончыктым тиде паша мыланем нелын тучо, но кугу интерес дене пашам ышты-



мем дене тидым мый ыштен кертым. Модель сай лие. Варажым бензиновый моторчикан модельмат ышташлан ямдылалташ тунгалым. Бензиновый мотор-

чикан модельмат ыштыме деч ончык мый шуко книга лудынам. Книга-шамыч модельмат ыштыме мыланем пеш кугу полышым пуышт. Кызыт мый шкемын шонемем шуктышым: модельмат ыштен пытаренам, но тудлан йорыш мотор гына

уке. Кызыт пеш точно шотлен, бензиновый моторан у модельмат ышташ шонем. Тиде модельмат мый сентябрь тылзыште ышташ тунгалым.

Кызыт мыйын ик шонемаш гына: средний школым сайын тунем пытараш да аэроклубыш тунемаш пураш.

Николаев Авенир.

Йошкар-Ола, 6-шо номеран школа, 7-ше „В“ класс.



Южно-русский овчаркин межше

Тений Все-союзный ял озанлык Вы-

ставкыште первый гана южно-русский овчарка пий очыкталтеш. Ик жап тиде урлык пий чылт пытен манаш лиеш ыле. Кызыт тиде чапле урлык пий вашке гына эшеат шукемдалтеш.

Южно-русский степь-ласе овчарка ушан, чытен кертше улмыш дене шергакавлан шотлалтеш. Тиде пийын нугыдо, кужу межше дене трикотажный шокшо вургем ышташ йора.

Крымысе колхозник-шамыч Выставкыште южно-русский пийын межше дене ыштыме йоча костюм, пор'ен да удыр-шамычын свитрыштым, берет, чулка-шамычым очыктат. Туштак тыгай пийын межше да тудын дене шудырым шурто очыкталтат. Тудын межше ару да пешак пушкыдо.

„Нё йонгылышым муэш?“ модышын результатше

Тиде модышым чылаже 23 йоча-шамыч участвоватлышт. Нунын кокла гыч 8-ышт веле 10 йонгылышан ответым колтенат, модаш чыла 10 ответым колтен огытыл.

Эн сай результатым Охотников Леонард (Йошкар-Олинский район, Кузнецово средний школа) ден Кузнецов Алексей (Моркинский район, Кугу-Кожла-ял НСШ) очыктенат. Нуно коктынат 3 очко гыч погеныт. Охотников Миша (Йошкар-Олинский район, Шекляурский НСШ), Петров Владимир (Сотнурский район, Карай НСШ) да Росляков Илья (Сернурский район) ик очко гыч погеныт. А моло йоча-шамычым нуль да нуль дечат шагал очком погеныт. Молан тыге лийын, те палед: вет каже йонгылыш ыштымылан ик очко кудалталтеш, манын услови-йыште ойлымо ыле. Южо йоча-шамыч чын йонгылышым икты-


мат муын огытыл, а чын ойлы-маш йонгылыш манын возенат. Тыге 10 тыгай „Йонгылыш“ му-мылан (—10) очко (алгебраический йылме дене: минус 10) пуат-ын. А минусан числа нуль деч изи. Теве Чемеров Сергей (Косолаповский район, Марий-Билимор НСШ) 9 йонгылышан ответым колтен. Тудо ик чын йонгылышым муын, а модаш чын гынат, йонгылыш манын. Тыге ме тудлан минус 7 очком (нуль деч шагал) шотлышна.

Ме ушанена: те, модшо-шамыч, келгырак шонен, йонгылышым кычалаш тугалыда ыле гын, шукурк чын йонгылышым му-да ыле. Садлан лийын, вескана организоватлыме модышым участвоватлымыда годым ответ-дам кок-кум гана проверитлыл колтыза.

Лудшо-шамыч! Адак те могай модышым вучеда? Мемнан деке возыза. Редакция.



МУТАН ЗАДАЧА



Тиде задачым тыге ре-шитлыман: каже тужвал кругласе мут-шамычын тунгалтыш буквашт цифран круглаште лийышт.

Тужвал кругласе мут-шамыч: 1. Искусство. 2. Шудан лоп вер. 3. Насекомый. 4. Отравлятыше газ. 5. Ожысо татар-шамычын государствышт. 6. Кечывал могры.

Кбргысо круглышто — ял озанлык ушем.

Волода Токмурзин колтен. Удмуртский АССР, Каракулинский район, „Чолпан“ колхоз.


45-ЫМ ПАЙЛЫЗА

45-ан числам ныл тор огыл ужашлан пайлыза.

Нине ужаш-шамыч теве могай улыт: первый ужа-

шыш 2-ым ушет, але ко-кымшо ужаш гыч 2 лук-тат, але кумышо ужашым 2-лан шукемдет, але ны-лымше ужашым 2-лан пай-лет гын, чыла дейстий ыштымекеат ответ ик гаяк лиеш.

Ответ-шамыч
(12 июльысо „Ямде лий“
ГАЗЕТЫМ ОНЧО)
КАРАНДАШЫМ НОЛТАЛДЕ



У ФОРМАН КРОССВОРД

„Р“ дене мут-шамыч тыгай улыт: 1. Роман. 2. Роза. 3. Рак. 4. Руда. 5. Рис. 6. Ронго. 7. Руш. 8. Ряд.

„Р“ деч посна: 1. Оман. 2. Оза. 3. Ак. 4. Уда. 5. Ис. 6. Онго. 7. Уш. 8. Яд.

Эн ончык чын ответым колте-ныт: Кузнецов Витя (Моркинский район, Арын НСШ), Лукоянов Иосиф (Волжский район, „Заря“ колхоз), Семенов Александр (Моркинский район, Яснотово ял).

Врид отв. редактора—
И. Ф. ФЕДОТОВ.

ШУАЛТЫШ КИНДЕ ВЕРЧ

Америкын Соединенный штатлаштыже пашазе-шамычын йочашт тыге плат

Генри Диккенсонлан лат-мыл ий, тудо ешыштыже вич йоча кокла гыч эн ку-гуракше. Ачаже текстиль-ный фабрикыште пашам ышта. Пытартыш ийыште тудын пашадаржым кок га-на иземденят. Тудын ыш-тен налме окса дене ешы-же илен ок керт. Садлан Генрилан тунемным кудал-тен, кушто ачаже пашам ышта, тудо фабрикышкак каяш логалын.

Паша кече 5 час эрдене тунгалеш. Фабрика мбн-гышт деч тора, садлан па-шашке опоздаш огыл ма-мын, Генри ден ачажлан йудым кум часланак кыне-лашышт келеш. Генри ке-чылан кандаш час кужу яшлыккан изи оравам шуке-ден коштеш. Тудо куымо пехыш шуртан шпулько-шамычым шушыш конда да яра шпулькыжым шу-дырым пехыш адак мбнгеш шушышкыта.

Фабрикыште тудым деч посна 14 ийш йоча-шамыч молат шукия пашам ыш-тат.

Дженни Бараун 15 ийш. Тудын тазалыкше начар. Докторат каласен: „Дженни тудо фабрикыштак пашам ышташ тунгалеш гын, ку-жун огеш илз“. Но ачажын налме оксаже огеш сите, садлан Дженни пашашке пурен. Тудо вич час эрдене кынеш. Содор гына коч-кын, фабрикышке куржеш. Каяш тора — вич кило-метр.

Дженни пор'ен йымал чиенлаште ургышым тор-латыл урга. Лу мужыр бельем ургымылан тудо 5-6 центым (25-30 копей-кым) веле налеш. Тудо лу мужырым шуктымеке, тиде нелз нумалтышым воктены-се пблемышке нангаяш ку-леш. Кечывал шушаш де-лан тудын кидше коршташ

тунгалеш. Бельежым чучкы-дын волтенат шуа. Тудлан адак нолталын, уэш опташ да пидаш келеш.

Кас велеш тудын вуйжо савырна, кидше-йолжо тар-ванен кергдыме лиеш.

Американский ола-лан уремлаштышт газетым ужалше йоча-шамыч куржталыт да йукушт ора-лымеш кычкырат:

— Теве у газета! Теве пытартыш увер!

Нине йоча-шамычлан 8,10,12 ий. Нуно шукшун чиенят. Тиде йоча-шамыч кеч-могай ийгечыштат шко-ла гыч толын, вигак редак-цийлашке куржыт да нелз ора дене газетым налалаш черетыш шогалыт. Газе-тым налын, нуно уремлаш-те коштедаш тунгалыт. Ты-ге газетыштым ужален пы-тарымеш коштыт.

(„Пионерская правда“ гыч).